

四庫全書

子部

欽定四庫全書

子部

居易錄卷二

詳校官侍讀臣陳崇本

員外郎臣牛稔文覆助

總校官中書臣朱 鈐

校對官中書臣方大川

謄錄監生臣范光謙

欽定四庫全書

子部十

居易錄

雜家類三

雜說之屬

提要

臣等謹按居易錄三十四卷

國朝王士禎撰士禎字貽上號阮亭亦稱漁洋山人蠶尾老人山東新城人順治乙未進士官至刑部尚書乾隆三十年

賜謚文簡原名下一字犯

世宗憲皇帝廟諱刊本多改書為正乾隆四十年奉  
旨以禎字代之是書乃其康熙己巳官左副都御  
史以後至辛巳官刑部尚書以前十三年中  
所記前有自序稱取顧况長安米貴居大不  
易之意末又以居易俟命為說其義兩歧莫  
知何取也中多論詩之語標舉名儒自其所  
長其記所見諸古書攷據源流論斷得失亦  
最為詳悉其他辨證之處可取者亦多惟三

卷以後忽記時事九卷以後兼及差遣遷除  
全以日歷起居注體編年紀月叅錯于襟說  
之中其法雖本于龐元英文昌雜錄究為有  
乖義例又喜自錄其平反之獄辭伉直之廷  
議以表所長夫鄴侯家傳乃出自子孫魏公  
遺事亦撰由僚屬自為之而自書之自書之  
而自譽之即言言實錄抑亦淺矣是則其瑕  
瑜不掩者也乾隆四十五年十月恭校上

總纂官臣紀昀臣陸錫熊臣孫士毅

總校官臣陸費墀

居易錄自序

古書目錄經史子集外厥有說部蓋子之屬也莊列諸書為洞冥搜神之祖亦史之屬也左傳史漢所紀述識小者鈎纂剪截其足以廣異聞者亦多矣劉歆西京雜記二萬許言葛稚川以為漢書所不取故知說者史之別也唐四庫書乙部史之類十三有故事雜記丙部子之類十七有小說家此例之較然者也六朝已來代有之尤莫甚于唐宋唐人好為浮誕豔異之說宋人則詳

于朝章國故前言往行史家往往取裁焉如王明清揮  
塵三錄李心傳建炎以來朝野雜記之屬是也予自束  
髮好讀史傳旁及說部聞有古本為類書家所不及收  
者必展轉借錄老而不衰二十年来官京師每從士大  
夫間有所見聞私輒掌記芟其繁複尚得二十六卷目  
曰池北偶談南海之役哀道路見聞別為皇華紀聞四  
卷康熙己巳冬杪重入京師時冬不雪其明年春夏不  
雨米價踊貴



天子憂勞為罷元正朝賀遣大臣分賑畿南北

命大司農禱雨泰山余備員卿貳時惴惴有尸素之懼  
在公之暇結習未忘有所見聞時復筆記歲月既積得  
數百條釐為三十四卷憶顧況語長安米貴居大不易  
因取以名其書予仕宦四十年居易俟命鈍拙無似而  
顧以此蒙知

主上則首陽柳下又未知孰為工拙也取以名書亦以  
見志云爾

經筵講官刑部尚書前都察院掌院事左都御史濟南  
王士禎序

欽定四庫全書

居易錄卷一

刑部尚書王士禎撰

婺源黃昌刻宋范石湖詩集二十卷中多闕文吳郡門

人顧嗣迂客亦刻石湖集摹宋板最工後村云石湖詩

三十四卷今顧刻卷數正合

慈谿友人姜

英宸

西溟示唐摹十七帖紙韌堅好點畫無

闕失真古物也秀水曹侍郎秋岳

溶

跋云貞觀中盛購

右軍墨蹟裴業進士以草書來上首有十七日字遂呼

十七帖今石刻傳世有二本唐刻尾有敕字及解勒褚校者即此本也南唐後主得賀知章所臨散刻澄心堂帖中王著再摹入淳化帖賀本也不及敕字本遠甚右軍真蹟存者幾絕得此足以豪矣

海寧刻元戴表元剡源集四卷餘姚黃

宗義

太冲定本也

戴以古文名淳祐大德間與柳貫齊名表楠師事之予

昔在京師借鈔其集于門人陳

赤衷

葵獻亦太冲門人

海鹽胡孝轅

震亨

唐詩統籤戊集二百一卷皆晚唐五代

人詩孝轅撰統籤起甲訖癸凡千餘卷未盡刻梓此其  
什一也

門人王

朱

元式崑山人官國子監博士嘗有句云秋雨

茂陵人獨卧西風汾水雁還來鬱鬱不得志謝病歸遊  
贛州今年客死鳩茲可哀也太倉崔舉人

華

字不雕詩

尤清異出塵有句云丹楓江冷人初去黃葉聲多酒不  
辭人目為崔黃葉亦不得志以歿予載其詩于感舊集  
二君皆予順治庚子所得士

柘城王

培

益仲官新河知縣宋布衣登春號鵝池生者

縣人也益仲為置祠立碑為父祭之祭之日有雙天鵝來立碑上人皆異之柏鄉魏相國以下賦詩者數十人登春居江陵之天鵝池因以自號所產故里曰六戶鄉今改天鵝聚云益仲又刻其雜文一卷詩古今體二卷為宋布衣集

朱檢討

纂

竹垞貽所撰日下舊聞四十二卷所引書至

千三百餘部又所刻十家宮詞為倪檢討

纂

雁園家宋

刻本唐陝州司馬王建蜀花蕊夫人石晉丞相和凝宋  
宣和御製丞相王珪珪子仲修學士宋白中大夫張公  
庠直祕閣周彥質又胡偉集句凡十家

工部侍郎王岳生

承祖

說鱉魚血綠孫光祿

實仍

孝堪因言

墨魚過則海無魚墨魚即烏鰓也蓬萊藥鴻臚言海族  
惟鰕最大有如一島者漁人往往見之

楊子危言云佛詩曰偈佛文曰薊劉熙釋名云薊別也  
大書中央中破別之也薊在佛為授記在俗用為文契

合同也

黃

稷虞

俞邵言徐司寇健菴

乾

奉

旨歸吳修一統志借

內府書有元岳璘所修一統志殘本尚二十餘大冊計

全書不下千卷

吳天章

雯

說薊州獨樂寺觀音閣凡三層其額乃李太

白書梁拱榑櫨皆架木為之不施斧鑿已未地震官廨  
民舍無一存閣獨不圯菩薩像高與閣等約六丈有奇



乃酸棗木為之予鄉淄川縣黃埠村東有酸棗一株兩人縈手始合抱其大不減粵東榕樹也

江盈科進之某中咏張浚一絕句云禹聖安能蓋鯨凶曲端冤與岳飛同何人為立將軍廟更祀頑金鑄魏公予昔于慈仁寺市觀浚墨蹟極劣因題一詩跋其後云已西白骨接符離二十年中幾喪師太息長城君自壞軍中空卓曲端旗宋岳侍郎珂著程史述曲端本末甚

詳

馮舍人大木

廷魁言在

祕府見豫章先生熊朋來集舊刻極完好予曩從葉侍郎訥菴鈔得豫章集七卷似非全書

天章賦予西城別墅古詩十四首甚工聊錄數篇于左

石帆亭云風動袈裟角洪濤四溟吼如何不動搖片石土囊

口為賞正定心添種菱三畝樵唱軒云采山因采真歸來發

高唱衣上烟霞斑雜坐無禮讓身忘草木年心寄尊盧

上小華子右丞禪悟人千古生則傲每思茱萸汴一理

岡云

歌湖棹何意春城西犬吠夜如豹

小善卷云

洞中遇天地居

然小善卷焚香還晏坐獨理朱絲絃溪割卷畫水人耕

陽羨田

竹徑云

歌側錦石路窈窕無凡卉去去綠陰中涼

風動斐亶仙人何處來一萬青鸞尾

嘯臺云

蘇門有高士

求怒不可得出水仍大笑妙意誠難測為想鳳鸞音崇

臺願矜式

二程遺書一條云貴姓子弟於飲食玩好之物直是一

生將身服事不懈於管城之陳醋瓶洛中之史畫匣是

也噫今之世家子弟其不為醋瓶畫匣者鮮矣若擣捕六博之好往往破家覆產又不止畫匣而已

近京師筵席多尚異味予酒次戲占絕句云灤鯽黃羊滿玉盤菜雞紫蟹等閒看不如隨分閒茶飯春韭秋菰未是難嘗憶前輩有詩云秋來霜露滿東園蘆葦生兒芥有孫我與何曾同一飽不知何苦食雞豚每喜諷之此仁人所當念也

翰林院署前積沙號沙堤形家言衙門風水所係明嘉

靖初張桂用事去之詞林幾至空署近當事欲並開東

西門稍去其半數月間孟讀學端士

亮

沈讀學宗子

埔

王侍讀龍洲

鍾靈

等七人皆去位曹祭酒峨嵋

朱

讀學

天叙

典

趙宮贊伸符

執信

亦以他事誼誤去其驗如此

門人陳

奕禧

子文海寧人善為詩尤工鍾王書法以太學

上舍仕為安邑丞著皋蘭載筆益州于役記十餘卷詩

格尤進如斜日一川沂水北秋山萬點益門西之句不

愧古人予少為揚州推官時偶見泰州同知趙三麒一

詩云虞舜昔南巡不見南巡跡但留此墓旁一片瀟湘  
石因呼與語會雄縣人馬之驪主江都簿能詩撰詩防  
若干卷予皆禮之每詫人云吾以屈宋作衙官矣抱關  
擊柝中莫謂無人人自不知耳弇州先生有詩云馬頭  
拜迎不敢忽恐有當時高蜀州用心如此詎有遺才耶  
陳近遷知深澤縣予曾序其虞州集又題詩云月映清  
淮河水部雲飛隴首柳吳興

康熙壬子于安肅縣旅次見壁間大書云一劍有餘魏

武帝百身難贖楚懷王字極奇偉不著名氏亦不知何指也

淮安門人張

弘

力臣博雅精六書之學嘗著一書辨俗

書之謠今老矣又耳聾攜其兩子一孫客京師以寫真來索題予為賦二絕句云瘞鶴銘邊攜履日羊侯祠下却帆時吳山楚水探奇徧不管秋霜點鬢絲金石遺文太放紛摩挲千卷對鑪熏白頭更訪鴻都學手拓陳倉石鼓文張嘗著瘞鶴銘辨及摹峴山石幢寄予首二句

皆實錄也

偶看鍾繇戎路帖因憶亡友韓郎中

詩

聖秋姬人某氏

好臨摹晉唐人法帖獨廢鍾書韓詰所以對曰李漢正  
統關侯忠義而斥以賊帥狂詩甚矣書雖工抑何足道  
韓有詩記其事云誰知太傅千年後敗闕端從戎路開  
同年戶部王尚書

隲

人岳以

御書養素二大字及

御製詩一首見示圓勁秀美鸞停鵠跼實希代之寶也



詩云錦纜無勞列畫艘輕橈自愛倚船牕勤民不憚周  
行遠早又觀風向浙江此詩尤可仰見

省事寧人之意不惟

書法之工也又

大書地平天成四字乃

御書會稽禹陵廟額鈎摹鐫刻尚書疏請留

真蹟藏弃

許之尚書時官浙閩總督兵部侍郎云

予昔與梁侍御

熙

曰緝劉吏部

體仁

公戡汪太史

琬

莒文

輩以同年同官曹郎好為謔語以資嗔噉康熙己未

詔徵博學鴻儒莒文與焉既至

京師予喜其來置酒邀之戲先之以詩云名山書未就

副已滿通都

天子詢年齒羣公愛腐儒拋殘青箬笠染卻白髭鬚凍  
然常桑甫來傾酒百壺莒文答詩有老乏染髭方之句

不怒也既而與同年薛給事

奮生

大武相謔有山人高價

賣青山之句予因戲東四絕句云潁水箕山傲昔賢金

庭玉樹隔風煙逃名卻被山英笑兩字堯峰世已傳

堯峰文

居堯峰談經人比鄭公鄉絲竹門生列後堂為奉侏儒一

囊粟山中閒煞束脩羊

堯文授生徒于堯峰

橫山山外好煙波可

惜柴門掩綠蘿莫怪山人高價賣此中佳處本來多

此首

即用答給事語戲之

吳中高士謝山靈共指文星傍

帝庭今夜堯峯高處望不知何處少微星

堯文偶言文星甚明

茗

丈見之遂大怒答以四詩有車服倘緣稽古力便應飛

札報諸生太史錯占天上象歲星元異少微星從此不  
稱前進士故人親授隱君銜云云又有詩云區區誓墓  
心豈因一懷祖為予發也予刻續稿久刪前詩適見鈍  
翁續集具載見答諸作憶前事乃錄而存之以識予過  
且示子孫以戲謔為戒云

宋王銍性之雪溪集五卷詩不能工獨附載廬山僧可  
和詩一篇甚佳詩云空中千尺墮柳絮溪上一旗開若  
芽絕愛晴泥翻燕子未須風雨落梨花重江碧樹遠連

雁刺水綠蒲深映沙想見方舟端取醉酒酣風帽任欹  
斜王集中有曉發石牛一絕云息息車馬出清晨日淡  
風微已仲春松竹陰中山未盡梅花林外有行人寫景  
頗工性之別有默記若干卷明清仲言之父也

元陳樵鹿皮子集四卷詩學溫李寒食詞一篇有麥秀  
黍離之痛古賦頗工

宋華岳集十一卷名翠微南征錄第一卷開禧元年上  
皇帝書請誅韓侂胄蘇師旦語最伉直餘詩十卷率

鹿鹿

豪無足錄其上侂冑詩云十廟英靈儼如在漫于宗社  
作穿窬及誅侂冑議函首請和又有詩云反漢須知為  
朝錯成秦恐不在於期皆不肯附和浮議蓋陳東一流  
人也然曹瞞不殺彌衡而黃祖殺之侂冑不殺岳而史  
彌遠殺之彌遠又出侂冑下矣如岳詩不以工拙論可  
也吳興掌故云翠微集華康字仲清著不知何據

元傅汝礪若金詩集八卷有范德機揭曼碩序洪武壬  
戌刊本歌行頗得子美一鱗片甲七律亦有格調視南

宋俚俗之體相去遠甚時借朱竹垞鈔本宋元人集十  
數種如行黃茆白葦間忽逢嘉樹美箭為之眼明若金  
婁孫淑字蕙蘭亦工詩見陶南村輟耕錄集中湘皋煙  
草綠紛紛淚灑東風憶細君其悼亡之作也

天章說滄州人張漢儒嘗病彌留夢三梵僧以手三摩  
其腹立愈遂發願謁四名山至普陀謁大士畢欲歸見  
一老人于洞外掃除因與語曰若遠來寧欲見大士乎  
張曰四千里至此得見大士死無憾然大士安得見老

人曰但虔禱當有所覩張乃與同輩十餘人跪禱久之  
忽見洞口有金光老人曰大士出矣衆諦視果睹大士  
自石壁中出唯見側面又禱曰既蒙大士現身願睹正  
面頂禮歸日摹塑像設大士即又背洞面海去人咫尺  
紺髮卷鬘高顴隆準衣綠色半身雲氣中不可見衆  
歡喜稽首條入石壁去老人云始亦以得遇大士現身  
故捨身于此供灑掃之役久亦屢見按卽瑛類纂亦載  
元張光弼普陀山觀世音善財應現詩蓋自昔有之矣



昔在淮南為門人韓魏題寫真減字木蘭花一闋云橫  
磨大劍玉帳晨開兵百萬一卷陰符孺子功名紀上書  
壯懷煙冷笑看吳姬雙鬢影封酒泉侯骨相輸君是  
虎頭先是先兄西樵題云學信陵君飲酒兼之近婦人  
故末句亦云然此詞佚其彙追記之

天章攜宋搨宣示帖樂毅論來乞跋有鄒衣白題字云  
宣示與昨所見曹娥搨無異真宋搨也予跋云樂毅論  
近日摹刻甚多觀宋拓本如衛協謝雉畫古列女近刻

則仇實父輩之仕女圖耳天章云是西溪所貽本

元臨川何中太虛集吳草廬序吳與何中表兄弟也中

善五言詩近體亦冲澹如卿隨碧溪轉忽與白鷗逢小

雨十數點淡煙三四峯落葉半藏路清風時滿溪寒沙

梅影路微雪酒香村湖雪殘波岸船燈獨夜人西風一

夜雨丹桂滿林花皆有唐風又絕句冰合金河雪暗闌

內家難覓一枝寒祇應獨結梅花伴水遠山長盡意看

見梅花  
深淺柴烟曲塢間杉皮小屋遶幽潺紫苔青石梅

花路隨意閑看雪後山

黃沙道中

中自序有易類象三卷書

傳補遺十卷通鑑綱目測海三卷通書問一卷吳才老  
叶韻一卷六書綱領一卷補六書故三十二卷薊邱述  
遊錄一卷摭頤錄十卷知非堂稿十七卷外稿十六卷  
今詩稿止十六卷

周益公二老堂雜誌一條治頭風而吐瀉用枳壳白朮  
末煎湯下青州白丸子甚效則白九子在宋已盛行不  
自今也

雜誌又云種竹法正月用一日二月用二日隨月定日

無不活者

史相  
浩云

又云康與之在嚴州以糟雜細糠和土

種竹甚茂明年生笋成林種荷花以羊角投池中立成

又云臨安貴人家種竹木以麥拌土置根下雖盛夏亦

生癸辛雜誌種竹每歲以笋後竹已成竿即移先一歲

者當年八月可行鞭明年便可抽笋近聞

暢春苑移栽松有大合抱者皆活

南燼紀聞所載北狩事率不可信或謂是不得志于宣

和靖康間者所為理當然也

謝皋羽年譜遊錄注山陰徐

沁

楚公撰餘姚黃

宗義

太冲

先有西臺慟哭記冬青引注徐注黃序之

宋永嘉二劉文集九卷留元剛序安上字元禮安節字元承皆伊川弟子皆官御史安上廷劾蔡京安節追餞鄒浩葉水心題二劉集謂為俊豪先覺之士者也集中多經義大抵如訓詁不脫兔園冊習氣蓋當時科舉之文如此其與詩賦餽飭之陋如以五十步笑百步也

元貢奎仲章雲林詩集境地未能深造歌行間工發端而窘於邊幅視同時虞伯生范德機亦諸侯之附庸也有三山陳曄序草廬吳澄書後凡六卷

黃太學俞邵偕草廬書纂言四卷二十八篇所謂今文尚書也視蔡注加詳有正德辛巳草廬十世孫理跋嘉靖己酉吳興顧應祥序滇本也

元太中大夫黃州路總管洛陽保八周易原旨六卷繫辭二卷陵陽牟嘯序焦澹園經籍志不載

高麗史韓昭

廟號肅  
稱光宗

十年秋遣使如周進別序孝經一

卷越王孝經新義八卷皇靈孝經一卷孝經雌雄圖三

卷按國史經籍志周顯德中新羅獻別序孝經緯書載

雌雄圖三卷不言越王皇靈二書

金姬傳一卷常熟楊儀作文極奇麗姬章邱人本李氏

章邱舊志乃楊君謙所撰不載姬事

吳越備史五卷武勝軍節度掌書記范炯節度巡官林

禹撰事止忠懿王俶戊辰年又補遺一卷明兵部尚書

王遘序子著五代詩話頗刺取之

禁扁五卷起甲訖戊元東平王士點繼志著虞集歐陽  
玄序士點翰林學士承旨謚文康鶚子士熙繼學最以  
古文著名士點其兄弟也

元金履祥吉父仁山集二卷董遵所編仁山道學不工  
詩而廣箕子操一篇特工云炎方之將大地之洋波湯  
湯翠華重省方獨立回天天無光此志未就死矣死南  
荒不作田橫橫來者王不作幼安歸死其鄉欲作孔明



無地空翱翔惟餘箕子仁賢之意留滄茫穹壤無窮此  
恨長千世萬世間者徒悲傷吳師道跋云宋末為相者  
曾聘先生館中先生以奇策干之不果用而去先生感  
激舊知後為賦此辭旨悲慨音節高古真奇作也此操  
似為陳宜中而作

元張伯淳養蒙集十卷鄧文原虞集序之詩歌雜文皆  
膚淺不工伯淳官翰林侍講學士謚文穆趙子昂之內  
兄也集有蘇公海外十扇跋謂一扇不減百金之直蓋

爾時去坡百餘年題扇猶有存者然貴重已如寶玉大

弓矢

坡在錢塘日有訴負綾絹錢二萬者公詢之云以  
製扇為業適父死又連雨天寒扇不售非故負之

也公熟視久之曰取汝扇來須臾而至公取白團夾扇  
二十就判筆作行草及枯木竹石頃刻而盡其人泣謝  
出初踰府門人爭以千錢取一扇所持立  
盡遂償所逋杭人有感泣者見春渚紀聞

宋陳洎亞之詩一卷僅二十五首有顏復長道序司馬

文正公文忠文定二蘇公孫莘老徐仲車及長樂林希

陳留張徽南蘭陵錢世雄眉山李壘皆跋其後又嘉定

丙子眉山任希夷題詩云如彼流泉必有源陳家詩律

自專門后山得法因鹽鐵不減唐時杜審言亞之師仲  
師道之祖也

天台山人黃庚星父漫橐一卷詩庸下無足觀多館山  
陰王修竹之作謝臯父林霽山輩皆脩竹客蓋同時人  
也修竹名英孫

所安遺集一卷元長沙進士陳泰志同著歌行馳騁筆  
力有太白之風在元人諸名家中當居道園之下諸公  
之上而名不甚著豈名位卑耶

楊儀明良記云錢方伯昕為御史時抄沒中官王振家  
有金鑄觀音一座背識云孝孫周忱拜奉云云自注云  
此與謝太傅忍饑餒見桓溫事相類予謂文靖特忍須  
臾耳未墮大節也如文襄果有是事大節墮矣豈得援  
文靖事解免然文襄賢者必無此或傳聞之誤耳

高麗史正憲大夫工曹判書集賢殿大提學知經筵春  
秋館事兼成均大司成鄭麟趾等纂修凡世家四十六

卷

起僭太祖王  
建終恭讓王

志三十九卷

天文曆五行地理禮樂興  
服選舉百官食貨兵刑法

表二卷

年表

列傳五十卷

后妃宗室公主將相洪皓等五卷至三十三卷良史庾頌等忠

義洪灌等孝友列女方技宦者酷吏嬖幸姦臣文公仁等叛逆桓宣吉等至辛毗

通一百三十

九卷景泰二年箋進卷首冠世系一卷引其陪臣金寬

毅編年通錄謂王建之祖作帝建為唐肅宗之子閔漬

編年綱目辨其妄而以為宣宗皆誕而不可信今畧其

史官之論于左云載稽舊集同知樞密兵部尚書金永

夫徵仕郎檢校軍器監金寬毅皆毅宗朝臣也寬毅作

編年通錄永夫采而進之其劄子亦曰寬毅訪集諸家

私蓄文書後閔清撰編年綱目亦因寬毅之說獨李齊賢援據宗族記聖源錄斥其傳訛之謬齊賢一代名儒豈無所見而輕有議于時君世系乎其云肅宗宣宗者以唐書考之肅宗自幼未嘗出閣宣宗雖封光王唐史無藩王就封之制而其遭亂避禍之說亦是禪錄雜記二說皆無所據宣宗避禍隱于浮屠但必不至高麗耳不足信也況龍女之事何其荒怪若是之甚耶太祖實錄乃政堂文學修國史黃周亮所撰周亮仕太祖孫顯宗之朝太祖時事

耳目所及其于追贈據實書之以貞和為國祖之配寬毅

云後追尊實育為國祖元德大王其女辰義為貞和王后辰義即作帝建母也以為三代而畧

無一語及于世傳之說寬毅乃毅宗朝微官且去太祖

二百六十餘年豈可舍當時實錄而信後代無稽雜出

之書耶其世家曰太祖卷二曰惠宗定宗光宗景宗成宗

穆宗顯宗卷二德宗靖宗文宗卷三順宗宣宗獻宗肅宗卷二

睿宗卷三仁宗卷三毅宗卷三明宗卷二神宗熙宗康宗高宗卷三

元宗卷三忠烈王卷五忠宣王卷二忠肅王卷二忠忠王忠穆王

忠定王忠愍王

卷七

恭讓王

卷二

凡僭號者二十四世稱王

者八世通計四百

關十關

年

宋刻晁公遡子西嵩山集五十四卷公遡公武子止弟

也古賦一卷神女廟賦最奇麗詩在叔用元咎之下頗

有警策如人生漢南樹風物劍西州一年風物倉庚報

萬里鄉心杜宇知萬里艱難炊劍首十年流落夢刀頭

又秋江水清不勝綠還與漢江顏色同望中白鳥忽飛

去落日丹楓相映紅

秋工

折得寒香日暮歸銅鉞添水養



橫枝書牕一夜月初滿却似小溪清淺時

詠餅中梅

征衣消

盡洛陽塵泣向東風拭淚痕不及青春歸有信一年一

到樂遊園

感事

不見米愚闕于今已十春素衣不忍棄為

有洛陽塵

有感

皆佳集中多與師伯渾倡和之作師渾蜀

人見陸務觀集

葉石林建康集八卷有嘉泰癸亥孫籛跋二十代孫萬

跋云秣陵焦氏本也常熟毛氏嘗得宋刻建康集逸第

三卷當未見此按石林全集一百卷桑民懌家書目有

之今不可得此則紹興八年再帥建康作也石林晁氏之甥及與无咎張文潛遊為詩文筆力雄厚猶有蘇門遺風非南渡以下諸人可望平生遂于春秋集中答王從一教授二書可見其梗槩

陵陽集二十四卷元初年獻獻之著詩有盛宋時波谷門風題跋亦如之雜文皆典實詳雅其九日詩序云陶公再為建威參軍劉裕幕府也忽棄去為彭澤令未幾又棄去裕是時已有異志劉穆之寧死不與九錫王弘

自江北來首以此議諷朝廷裕遂移晉祚而弘為吏部尚書為江州刺史遂被心腹之寄既來江州柴桑近在境內於陶公時惓惓焉豈非內懷前愧欲附高人勝士以自湔祓耶陶公未易致則使人中路具酒食候其出醉而要之庶幾一見斯已甚迫則亦可以見我胸懷本趣固有在豈端為一王弘哉適乘籃輿足以自返其視華軒為何物而弘欲以此榮其歸此又可一笑也云云此論發前人所未發詩五言亦佳不具錄獻之蜀陵陽

人清惠公存齋子寓吳興所與遊好者如劉會孟戴師  
初仇仁近周公謹趙子昂兄弟皆一時名勝可以知其  
人已

陸啟浚客燕雜記云監板十三經注疏二十一史修于  
萬厯二十三年頗無差訛崇禎十二年重修之古字難  
讀悉遭改易云康熙二十三年予為祭酒疏請重修經  
史刻板得

旨允行

陽羨門人陳

宗石

子萬為安平令偶從田壘間掘得北魏

崔敬邕墓誌銘石刻字類李北海不著撰書人姓名祖

父名爵皆列碑題之前云祖秀才諱殊字敬異夫人

從事中郎趙國李休女父雙護中書侍郎冠軍將軍

豫州刺史安平敬侯夫人中書趙國李詵女魏故

持節龍驤將軍督營州諸軍事營州刺史征虜將軍太

中大夫臨青男崔公之墓誌銘其文曰君諱敬邕博陵

安平人也夫其殖姓之始蓋炎帝之胄其在隆周遠祖

尚父實作太師秉旄鷹揚尅佐撫殷若乃遠源之富奕  
世之美故以備之前冊不待詳錄君即豫州刺史安平  
敬侯之子胄積仁之基累榮構之峻特稟清貞少播令  
譽然諾之信著於童孺瑤音玉震聞於弱冠年廿八而  
攜華茂實以響流於京夏矣被旨起家召為司徒府主  
簿納贊槐衡能和鼎味俄而轉尚書都官郎中時高祖  
孝文皇帝將改制創物大崇革正復以君兼吏部郎詮  
叙彞倫九流斯順太和二十二年春宣武皇帝副光崇

正妙簡宮衛復以君為東朝步兵景明初丁母憂還家  
喪致毀幾於滅性服終朝廷以君膽思凝果善謀好成  
臨事發奇前畧無滯徵君拜為左中郎將大都督中山  
王長史出闡偽義陽城拔凱旋君有協規之効功績隆  
盛授龍驤將軍太府少卿臨青男忠勤之稱實顯於茲  
永平初聖主以東海遐邦宣化佇賢肅慎契丹必也緩  
接於是除君持節營州刺史將軍如故君軒鑣始邁聲  
猷以先麾蓋踐疆而溫膏均被於是殊俗知仁荒隅識

澤患液達於逋遐德潤覃於邊服延昌四年以君清政  
懷柔宣風自遠徵君為征虜將軍太中大夫方授美任  
而君嬰疾連歲遂以熙平二年十一月廿一日卒於位  
縉紳痛惜姻舊咸酸依君績行蒙贈左將軍濟州刺史  
加謚曰貞禮也孤息伯茂銜哀在疚摧號罔訴泣庭訓  
之崩沉淚松楊之以樹洞抽絕其何言刊遺德於泉路  
其辭曰綿哉遐胄帝炎之緒爰歷姬初祖唯尚父日周  
日漢榮光繼武邁德傳輝儒賢代舉於穆叡考誕質含



靈秉仁岳峻動智淵明育善以和獎幹以貞響發邳邱  
翼起槐庭慶鍾盛世皇澤遠融入參藝叙出佐邊戎謀  
成轅幕績著軍功偽成颺偃螽境懷風王恩流賞作捍  
東荒惠沾海服愛洽遼鄉天情方渥簡爵唯良如何倉  
吳國寶淪光白楊晦以籠雲松區杳而煙邃藐孤叫其  
崩窓親賓颺而垂淚仰層穹而摧號痛尊靈之長秘  
誌遺德兮何陳篆幽石兮深隧嗚呼哀哉

居易錄卷一

欽定四庫全書

居易錄卷二

刑部尚書王士禎撰

賈似道鑒賞畫有悅生小印往往于士大夫家見之癸  
辛雜識載其與門客廖瑩中刊書甚多聊志其目全唐

詩話悅生堂隨鈔一百卷

所援引多奇書

九經

以撫州草抄紙油烟墨印造最

精韓柳文集三禮節左傳節諸史要畧文選未刊者十

三經注疏節姚氏注戰國策注東坡詩研北雜志云韓

侂冑閔古堂圖書皆向若水鑒定又秦檜子嬉亦好聚

書

李商隱溫庭筠段成式倡和號三十六體初不解其義  
小學紺珠云三人皆行第十六也漢上題襟集今潛江  
莫進士與先家有之予託門人朱載震借鈔則云攜遊江右  
寄鄱陽人家失之矣

今人但貴宋槧本顧宋板亦多訛舛但從善本可耳如  
朱長孺所定杜集九日寄岑參詩從宋刻作兩脚但如  
舊而注其下云陳本作雨此甚可笑冷齋夜話云老杜

詩雨脚泥滑滑世俗乃作兩脚泥滑滑此類當時已辨之然猶不如前句之必不可通也

滁州豐山有漢高帝廟予昔過之以為宋太祖王業基此有端命殿奉神御或是藝祖廟之訛耳偶讀老學菴筆記乃見所錄碑陰畧云滁之西曰豐山有漢高帝廟或云漢諸將追項羽道經此山至今土俗以五月十七日為高帝生日遠近畢集薦肴觴焉始知漢廟緣起如此而予向者之輕于持論也

吏部最重寅誼前輩雖登九列名刺必書舊寅二字順

治乙未散館安邱劉

祚遠

補吏科給事中尋以其族祖憲

石官大學士引例迴避改吏部主事孫文定公

廷銓

時已

為戶部侍郎投謁偶不書舊寅字劉返其刺文定遜謝而已

潁川同年劉吏部公馭在京師與予輩為詩社每自詫曰吾詩文片段柴霍也予笑應之曰良然兄畫乃兔毛褐耳座客皆軒渠唐時宣州以免毛為褐亞于錦綺復

有染絲織者尤妙時人以為兔毛褐真不如假

見國史補公

戲喜作畫而不甚工家常蓄畫師為捉刀人予每索畫輒東之云勿煩真作故以此戲之

寧都魏冰叔

禧

和公

禮

皆以文章名禮之子

世微

字昭士

年少而氣銳文筆有諸父風近自虔州寄予書畧云竊惟張堪朱穆以一言知己終身不敢忘閣下掇巍科之年做始生于世閣下都盛名詩古文為海內宗主乃荷不遺對菲獎借裁成幾欲搏扶搖而振塵盪于青雲之

上非惟頓忘其貴勢且自忘其名與年矣傲雖不肖弗克堪任能無感恩知己之思報稱耶往在嶺南閣下方持使節祀南海之神與家君子解后僧舍閣下欲以年齒為坐次家君子執道里南北之說作主賓閣下謂家君子六年以長以古道屬家君子遂不獲辭後復與傲遇端州傲乘如芥之舟適潮信至播蕩傾仄翁山諸子望之而反走閣下扶掖必登舟拳屈歎曲而別且出南來志命以序既成遍示座客重其聲價夫折節之美古



今有之矣以南北遼濶未謀面之人名位尊重于巖穴  
下士罕所知識之孺子推致不遺餘力古今人中誰可  
匹擬者其自命為何等也茲事志之于心更述于筆每  
懷閣下時自展視亦足當見閣下一度勝西向笑多多  
耳

宋中丞牧仲

萃

說濮州守劉某家有綠鳩一雙狀如鸚

鵒近京師花兒市鬻黃鷄二毛羽作黃金色索直甚高  
又日照張琦言其縣人安鴻臚有孫年十三矣甚穎慧

讀書樓上忽見樓牕外樹間有紅鷓一隻驚呼示人自探身往取之墜而死鷓亦不見

謝比部方山重輝所觀李小將軍起蛟圖山樹樓閣皆勾

金細入毛髮山頂有雲氣一蛟騰起微露頭角無題跋

考宣和畫譜二李畫舉無此目不知何以定為李作

宛平相國王公家一小畫山溪紅樹間一人騎款段馬一人執宮扇隨其後人馬不及寸而意態生動題詩云騎龍重過到溪頭紅葉還春碧水流省得壺中見天地

壺中天地不曾秋前有乾卦小圓印後有御筆小印子

曩從祁縣戴楓仲

廷試

見明宣宗所畫西山霽雪筆意與

此正相類定為宣宗御筆無疑

戚文秀畫水一幀素區題云戚文秀清濟灌河圖為畫  
鑑所載秀北宋名士推重一時善於畫水筆力調暢一  
筆長數丈自邊際起貫於波濤之間超騰迴絕毫不失  
序日與相對恍然流動愈省愈奇

今人上官忌正五九月流俗相沿不知其故按內典以

正五九三月為長齋月云天以大寶鏡照四大部洲此  
三月照南洲故宜修福耳忌者非也

元馬祖常伯庸石田文集十五卷至元五年江北淮東  
道肅政廉訪司奉旨刊行弘治中都御史熊鼎重刊本  
鼎與祖常皆光州人也元代文章極盛色目人著名者  
尤多如祖常及趙世延字木魯鼎康里巉巉貫雲石辛  
文房薩都剌輩皆是也伯庸文五卷向塵從劉欽謨中  
州文表見之有文而無詩康熙己巳冬杪于竹垞寓齋

得觀此本留旬日而歸之集首有肅政廉訪司牒趙郡

蘇天爵太原王守誠閩陳旅三序李東陽熊翀二序

蕭山毛檢討

奇齡

大可生平不喜東坡詩在京師日汪

懋麟

季角舉坡絕句云竹外桃花三兩枝春江水暖鴨先知

萋萋滿地蘆芽短正是河豚欲上時語毛曰如此詩亦

可道不佳耶毛憤然曰鶩也先知怎只說鴨衆為捧腹

益都孫

寶洞

仲孺文定公次子也持論好與予左一日見

予蜀道詩高秋華岳三峯出曉日潼關四扇開之句輒

疵之或告以此本昌黎上裴晉公詩非杜撰也仲孺怒  
曰道是昌黎便如何畢竟是兩扇又予題涪陵石魚云  
涪陵水落見雙魚北望鄉園萬里餘三十六鱗空自好  
乘潮不寄一封書又曰既是雙魚合道七十二鱗聞者  
皆笑之或以諗予予亦笑曰此東坡所謂鼈廝踢也

宋嚴粲坦叔華谷詩集一卷氣格卑弱類晚唐之靡靡  
者一二絕句差有可觀如秋入白蘋風浪生癡雲未放  
楚天晴青山湖外知何處中有斜陽一段明秋昨夜湖

心共泊船一天星露宿寒烟朝來極目無洲渚知採蘋

花何處邊

宿石潭寺  
寄黃炳

稍有唐人音節華谷作詩緝林希

逸以為在歐蘇王劉東萊諸鉅儒之上今盛傳其書又

稱其五七言幽深天矯意具言外觀此集殆不然也集

中贈李賈詩云汝與吾宗好注賈與嚴滄浪遊華谷與

滄浪蓋有宗族之誼詩派相似而差不及戴石屏贈二

嚴詩云前年得嚴粲今年得嚴羽我自得二嚴牛鐸諧

鍾呂

鄧秋堂集二卷至五卷殘本內府書也詩古今體皆淺  
俚不成家亦不知其名字何許人卷中有與鮮于伯機  
倡和詩

南宋詩小集二十八家黃俞邵鈔自宋刻所謂江湖詩  
也大概規撫晚唐調多俗下唯番禺姜夔堯章白石集  
汶陽周弼伯弼端平詩雋臨江鄧林性之皇芻曲三家  
最可觀白石詞中大家與誠齋石湖遂初諸老友善伯  
弼即編三體唐詩者鄧姓字稍僻然其樂府絕句甚有



義山之風蓋鐵中錚錚者也三君詩予手鈔之餘一二  
佳者做摘白圖附于後

開封趙汝錡明翁野谷集五言律時有佳句七言俚俗  
歌行漫無音節頓挫後村序乃謂跌宕頓挫真剗蛟縛  
虎手又許以建安黃初安矣 喬松二十里翠微三五  
家塵埃雙老鬢天地幾斜陽持觴送南浦鳴櫓下東甌  
風霜先遠客天地獨扁舟秋影清涵水煙痕澹著山蘭  
風香楚佩竹淚冷湘斑任梅斜到牖聽竹長侵階雨茶

烹顧渚春酒醉烏程醉行沙市月吟破渚宮秋楚岸猿  
吟樹湘江月滿船晚紅殘照在秋碧遠山橫煙巖松葉  
暗風陌稻花香孤雁影誰伴亂蛩吟不休曉清秋已到  
葉落客先聞歸雲起齋鉢高浪送行舟笠戴天童雨鞋  
穿雪竇秋一年春易老雙鬢雪難消煙松迷五鬣風柳  
起三眠蓬響過雲雨帆開逆水風波及無忘晉渠成亦  
利秦籬落一團飛蛺蝶汀洲數點立鷓鴣笠澤葉茵  
景文吟稿 杜宇鄉心重楊花世事輕曉霧沉山色春

禽和水聲一泉走石夜多雨萬竹圍松風似秋 天台

戴復古式之石屏集石屏以詩名而多直率氣骨終勝  
耳 春水渡傍渡夕陽山外山黃花一杯酒白髮幾重  
陽忽聞啼鳥不知處細看好山無厭時一百五日客懷  
惡三十六峯春雨愁梅邊竹外三杯酒歲尾年頭幾局  
棋綠陰亭云千山橫碧一溪清白鳥飛邊落照明更散  
庭堦無一事綠陰亭上又詩成巾子山翠微閣云雙峯  
直上與天參僧共白雲棲一卷今古詩人吟不盡好山

無數滿江南馬上云青松路徑白雲關有客來尋半日  
閑十載灞橋驢子上爭如騎馬看廬山四明高似孫  
續古疏寮集劉後村謂能參誠齋活句者四聖觀詩後  
村亟賞之詩云水明一色抱神州雨壓輕塵不敢浮山  
北山南人喚酒春前春後客凭樓射熊館暗花扶屐下  
鵝池深柳拂舟白髮邦人能道舊君王曾奉上皇遊

花知西洛事雁叫北人心山橫赤壁含情斷水出瞿塘  
快意流建安葉紹翁嗣宗靖逸集古柳無多樹新

蟬第一聲西湖秋晚云愛山不買城中地畏客長撐屋  
後船荷葉無多秋事晚又隨鷗鷺過殘年北闕云脫衣  
命僕浣塵埃離落人家未見梅出得城門能幾步船頭  
便有白鷗來臨川危稹逢吉巽齋稿蛾眉對酒舞  
涼伊舞身還逐歌聲齊卷花萬段忽進酒闌高跌蝶飛  
來低斯植建中采芝集相逢春草外歸隱石房西  
春風思華嶽夜雨夢瀟湘住當南嶽寺門對赤城霞月  
過東西浦潮分遠近山水國今宵別天涯隔歲歸春歸  
欽定四庫全書  
居易錄  
卷二  
十

外立寒枝山南又春雨雪中寄巖泉云吟罷新詩祇自  
省曉風吹恨上闌干夜來雪滿前山路誰對梅花說歲  
寒此君及趙汝錢五言皆多佳句而無遠神羅與之  
與甫雪坡稿因沾江畔酒始見竹間梅一夜西風急  
千山落葉深閑吟小山賦歸思大江流山居云雨作糟  
牀注秋生鱸膾思卷簾了清景流水裊煙絲河陽張  
弋彥發秋江煙草夏新看藕葉夜久見蠟珠春詩定  
多少句日又清明前路逢梅處同誰倚棹看雲為今夜  
欽定四庫全書  
居易錄  
卷二  
上

雪梅發去年枝金華杜旃仲高癖齋稿歌行有張王  
風調如綠珠行明鏡行王粲宅別魏元長書懷諸篇皆  
可誦送陸放翁赴召長句最佳滄洲高九萬菊礪集  
半夜雨聲急一谿流水深桐花快落春風老梅子微  
酸晚雨晴老淚怕從衣袂見閑情但有帽簷知題小姬  
扇云湘湘未識羞獨坐抱瑟篳篥學看婆舞樓身拜部  
頭春懷云江南春盡尚春寒添盡征衣獨掩關日暮酒  
醒間謝豹所思多在水雲間臨平云征騶一似白鷗輕

起揭船篷看晚晴  
梅子着花霜壓岸  
自披風帽過臨平  
田父辭云啄黍黃  
雞沒骨肥  
繞籬綠橋綴枝垂  
新釀酒  
旋裁衣  
正是婚男嫁女時  
三山陳鑒之剛父東齋

集稍有江西風氣而筆力苦孱  
踏徧苔溪石梅花又

滿林花淡水紋麗鳥啼人意閑  
彎彎竹徑微微雪小小  
溪橋淡淡雲盡蘭云托迹不辭  
巖谷深異于蕭艾亦何

心清風披拂自多事  
斜日淡雲香滿林  
建安徐集孫

義夫竹所吟  
橐齋板驚閑鷺苔碑卧夕陽  
清源胡

仲參希道竹莊稿 門掩梅花月禽翻竹葉霜界首云  
幾重嶺隔幾重灣路入濛濛煙雨間獨立溪橋重回首  
前頭已是劍州山 開封趙崇鈇元治鷗渚吟 都昌  
即事云世事可無酒春藤還有花山雲欲到地街鼓又  
催衙風緊魚休市官貧飯帶沙天機不得問暮色欲棲  
鴉湖中云汀蒲獵獵起涼颼碧藕香中獨立時機事兩  
忘吾喪我扁舟吟過水仙祠 柯山毛珣元白吾竹稿  
丹陽館一篇最警策 渡江南來第一驛幾度華堂延

雁客百年運逐曉雲空愁殺鞮官老無職南徐今日古  
陽關不斷歌聲祖離席國讎已復事尤多折損年年春  
柳碧 臨江鄒登龍震父梅屋吟有真西山劉後村戴  
石屏三跋詩稍優于倣古 梅花云約臂金寒拓綺疏

搔頭玉重壓香酥含章簷下新妝額試啟菱花得似無

江南春云玲瓏樓閣江城晚楊柳絲絲凝去聲碧煙飛燕

不歸春滿地百花香裏聽啼鵲 拓蒼王琮中玉雅林

稿 涼從曉來覺秋向雨中深九十日秋蛩共語兩三



欽定四庫全書

居易錄  
卷二

十三

夜雨雁供愁 四明陳允平衡仲西麓稿 斷腸春洛  
浦殘夢夜瀟湘簾卷千重樹牕開四面山樓臺秋淡玉  
簫遠簾幙夜寒銅漏遲明月鷺鷥菱葉浦西風蟋蟀豆  
花離江南謠云柳絮飛時話別離梅花開後待郎歸梅  
花開後無消息更待明年柳絮飛登西樓云楊柳飄飄  
春思長綠橋流水繞宮牆碧雲望斷空回首一半闌干  
無夕陽餘如建安張至龍李靈雪林州餘壺山許棐忱  
父梅屋稿浮玉施樞知言橫舟稿荷澤李龔和父梅花

衲南徐朱南楚學吟吁江余觀復中行北牕稿槩無足  
錄

劉克莊後村大全集六十卷自四十六卷已後皆詩話  
詩餘無詩有晉安謝氏家藏圖書印謝在杭鈔本也首  
有林希逸二序後村在宋末號文章大家其詩予別有  
論說此集中題跋詩話最佳詩話新集多撫中晚唐人  
詩無所取裁可刪也後村論揚雄劇秦美新及作元后  
誅言天之所廢人不敢支歷世運移屬在新聖云云蔡

邕代作羣臣上表言卓黜廢頑凶援立聖哲云云又論  
阮籍跌宕棄禮法晚為勸進表志行掃地詞嚴義正然  
其賀賈相啟畧云像畫雲臺令漢家九鼎之重手扶日  
轂措天下秦山之安昔茂弘歎邱墟百年孔明欲宮府  
一體彼徒懷乎此志公允踐于斯言賀賈太師復相云  
孤忠貫日雙手擎天間勇退則眉攢杜陵老之愁覩登  
庸則心動石徂徠之喜再賀平章云屏羣陰于散地聚  
衆芳于本朝無官可酬爰峻久虛之位有謀則就所謂

不召之臣諛詞諂語連章累牘豈真以似道為伊周武鄉之比哉抑蹈雄邕之覆轍而不自覺耶按後村作此時年已八十惜哉

辛稼軒詞中大家而詩不多見劉後村詩話載其送別湖南部曲一詩云青衫匹馬萬人呼幕府當年急急符愧我明珠成薏苡負君赤手縛於菟觀書到老眼如鏡論事驚人膽滿軀萬里雲霄送君去不妨風雨破吾廬稼軒吾濟南人故錄之其長短句予家有舊刊本

後村云張易之昌宗目不識字手不知書謝表及和御製皆依附者為之所進三教珠英乃崔融張說輩為之而易之竊名為首

見詩話

適見李日華紫桃軒雜綴云張

昌宗粉面膏唇以媚女主其人疑優伶不齒然亦名擅文翰之譽有三教珠英一千三百餘卷其所著恐亦未可以人廢也則以編著果出昌宗之手亦愚矣

劉後村序王隱君六學九書引所見丹家四人鄒子益曾景建黃天谷白玉蟾鄒不登七十曾黃僅六十玉蟾

天死

後村序宋慶之希仁詩摘句有云多年翁仲在寒食子  
孫稀又跋徐賓之詩摘句云盡日飛花急隔溪芳草深  
皆晚唐人佳句不知二集猶傳否記訪之

坡公之有斜川人豔稱之而集不傳唯傳其颶風賦及  
試誦北山移為我招琴聰數語耳谷之甥徐師川洪駒  
父輩皆著名而世不知其後人之盛後村云思陵尤重  
谷詞翰擢其甥至執政至茂陵而其後益蕃子邁子畊

皆顯融伯庸尤貴重克昌者最後出為名公所稱示予  
甲橐丙橐春風雜咏過秦詩字其名曰紹谷集曰後谷  
甲橐已有鼻祖熙豐氣骨丙橐而後則漸入元祐建中  
境界使加一年駸駸宜晚筆矣坡谷之後南渡以後  
皆昌大又能以文章世其家豈非天哉

孟忠毅公

喬芳

開國名臣其子熊求予文其神道之碑一

日偶訪之師儉堂恭睹

世祖皇帝御賜公畫像一軸上方篆書天子命我四大

字公永平人也偉幹豐頤腰腹十圍善馭諸將皆為盡  
死力麾下偏裨封侯至大將者不下數十人如靖逆侯  
張勇勇畧將軍趙良良提督馬寧寧王臣總兵趙光光陳德德王  
平等皆是也熊弼幼患目青不能視以公功世襲精奇  
尼哈番而嗜書攻詩亦異人也

門人盱眙李嶠以其世祖崇德先生諱紹顯忠錄來謁

先生正德十二年進士官行人十四年江彬等將挾威  
武南巡先生與翰林舒公芬同官余公廷璚等伏闕疏



諫死杖下世宗立贈御史於是舒公作墓誌銘崔公銑為己外紀事鄒公守益為贊而鄉人趙卿復為之傳嶧瑞字蒼存詩文皆從衡有奇氣江淮間一才士也

俗以鍾離權呂洞賓等為八仙後蜀孟昶生日道士張素卿進八仙圖乃李耳容成董仲舒張道陵嚴君平李八百范長壽葛永瓚也詳見黃休復茅亭客話又圖畫見間志作李阿長壽仙

續酉陽雜俎云曼殊院東廊大厯中畫人陳子昂畫是

畫工與拾遺同姓名也

馬仲塗家藏蔡君謨一帖云梅二馬五蔡九中春寒食  
前一日會飲于普照院仲塗和墨聖俞按紙君謨揮翰  
蘇談載中峯和尚草堂馮海粟煉泥趙松雪搬運中峯  
塗壁二事風流名勝正可作對邢和璞居崧山伐薪汲  
泉皆是名士千載而下如靈山一會儼然未散恨不傳  
之丹青耳

六研齋三筆載元僧覺隱語覺隱喫飯片仙亦飽有時

圻仙飯覺隱亦飽李君實以為禪宗所云有人終日喫飯未曾齧著一粒米之謂蓋寓言也然方士實有此術叔祖季木吏部家有一客忘其姓往往代人食其人亦飽亦往往令人代食至洩溺亦如之

李君實日華鑒別法書名畫最精然引古人詩文往往紕繆如云子昂行書詩一幅不知子昂自作或書古人作語氣似白樂天陸放翁因錄之云山石磴確行逕微云云不知乃韓退之詩也又云白樂天孫龜年住嵩山

遇李白曰近過潼關有一詞曰曾宴桃源深洞云云乃後唐莊宗作也又云杜樊川詩獨憐幽草澗邊生云云有中秀堂刻牧之行草真蹟此韋蘇州詩與前韓詩載本集中皆人人耳而目之者而外乎至此陋矣又一條云林君復極富畫情見與可伯時終日碌碌徇人遂不為和靖乃大中祥符間人文李後出安得此不根語又云元有兩開闢一為禮部尚書趙秉文或云今人蓋未目金史及中州集耳意此公留意書畫而于詩文考證

全踈然劉原父黃伯思輩考證何嘗不精確耶

金黃華老人王庭筠自書高歡避暑宮詩四絕句詩字皆奇偉今石刻在汾州府及城武縣學君實云曾見所書老杜宛馬蟋蟀螢火林猿等四詩沈頓雄快與南宋諸老並行南北非元初巉巖子山輩所及按東昌府學三絕碑庭筠書王去非撰黨懷英篆

元僧溫日觀善畫蒲桃須梗枝葉皆草書法見楊璉真伽輒罵為掘墳賊事見輟耕錄予曾于宋中丞牧仲齋

中觀其畫葡萄一幀後題詩云明月清風宗炳社夕陽  
秋色庾公樓修心未到無心地萬種千般逐水流適見  
六研齋所記此畫此詩正同復有自題云舉世只知嗟  
逝水何人微解悟空花此大唐貫休禪師佳句皇宋溫  
日觀書之仍為寫龍鬚于後癸巳年三月二十日扁舟  
至天佛院晴牕晚興有兄副寺寶之後又書云紙長宜  
書好詩為後之名勝笑攬即前詩是也後尚有益川張  
夢應山陰曹寅孫鄱陽葉衡上饒程鳳飛諸人題跋向

俱無有益為人剪截矣

康熙庚申春予與施侍讀

閏章

愚山同過弘衍菴看海棠

各有四絕句今庚午二月重來海棠三株皆已化去而  
愚山之墓木拱矣不勝今昔存歿之感因復成一絕云  
十年不見謝宣城目極澄江遠恨生白首重吟枯樹賦  
江潭蕉萃庾蘭成

盤山和尚智朴號拙菴徐州人能詩居青溝

上幸盤山嘗

御書戶外一峯四字賜之拙菴丁巳以詩抵予以所著  
電光雲鶴諸集屬序予亦兩有詩懷之庚午二月五日  
侍者自山中來寄詩云宮詹學士老詩伯筆掃時風絕  
世才日把盤山懷我向橫肩桺栗幾時來

監察御史李

時謙

疏請舉行禘禮事下九卿詹事科道會

議禮部尚書張

玉書

等議曰臣等綜考禮制言禘者不一

有謂虞夏禘黃帝殷周禘帝嚳皆配祭昊天於圜丘者  
有謂祖之所自出為感生帝而祭之于南郊者有謂圜



丘方澤宗廟為三禘者先儒皆辯其非而言宗廟之禘  
又不一說有謂禘祭止及毀廟不及親廟者有謂長發  
之詩為殷之禘雍之詩為周之禘而親廟與毀廟皆兼  
祭者惟唐趙匡陸淳皆以為禘異于祫不兼羣廟王者  
既立始祖之廟直推始祖所自出之帝而以始祖配之  
故名為禘至于三年一祫五年一禘經無明文其說始  
於漢儒而後之議禮者咸宗之漢唐宋所行禘禮亦莫  
考始祖之所自出止於五歲之中行一祫一禘兩大祭

於其宗廟而已大抵夏商以前有禘之祭而其制未詳  
漢唐以後有禘之名而與祫無別惟周以后稷為始祖  
以帝嚳為所自出之帝而太廟之中原無帝嚳之位故  
祫祭不及帝嚳至禘祭時乃特設帝嚳之位以稷配焉  
行于後代不能盡合故宋神宗諭廷臣議罷禘禮明洪  
武初御史答祿與權請舉禘祭衆議亦以為不必行詔  
從其議至嘉靖中乃立虛位祀皇始祖帝而以太祖配  
享事屬不經禮亦旋罷洪惟我

國家受天顯命世德相承定鼎之初追上

四祖尊稱以

肇祖原皇帝始基王迹故立廟崇祀自

肇祖始夫太廟之中以受命之君為太祖允宜特尊者也我  
太祖高皇帝功德隆盛與天無極自當為

太廟萬世之祖上而推所自出則締造之業

肇祖為最著今

太廟祭祀四孟分祭于前殿後殿以各伸其尊歲暮祫

享于前殿以同將其敬一歲之中自

肇祖以下屢伸裸獻仁孝誠敬已無不極五年一禘之  
祭不必舉行

王定國甲申雜記云歷日載幾龍治水惟少則雨多殊  
不然崇寧四年乙酉凡十一龍治水自春夏迄秋皆大  
雨水溢

盱眙李生嶠瑞言康熙十九年淮水暴漲壞泗州城郭  
公私廬舍漂沒無算唯僧伽塔僅存今議治河者皆知

黃強淮弱而不知淮之為害如此

百脉泉在章邱縣南明水鎮澄泓一泓清鑑毛髮北流  
為清水即繡江也予同年劉石洲渡家回村有繡江園

康熙己巳四月過宿其居題點絳唇詞一闋于壁云小  
雨班班垂楊影裏青青麥越阡度陌好箇南村宅 雁

塔同題相對俱頭白今何夕修篁怪石留我狂吟客

金檢討

德嘉

字會公楚廣濟人康熙壬戌會元溫然長者

也以書抵予皆古人之誼備載于此云昨詣候及門而


還胸中有數事欲聞左右黃湄給諫之知潛江捍患禦  
災不愧古之循吏名宦則悔人責也第鄉賢之祀尚煩  
及秦中士大夫議之敝鄉茶陵李文正公墓在畏吾村  
劉同人祠堂記云萬厯中鄰人取土幾露其前和宛平  
方公從哲封之坎掩而已第不知當日門生故吏斂金  
錢為墓具何以不表其墓方公封坎古道矣何難勒片  
石以紀之又數十年馬鬣且平地矣懷麓集賴陽羨蔣  
先生重刊若墓則危甚既而思之惟閣學吳廬先生可

告以此事若先生晤語從容及之損一宴會之費遂可  
令先賢之壙昭揭千古真盛德事也李卓吾墓在通路  
當時葬之者馬御史表之者某中丞而書者麻城邱坦  
迄今歸然亡恙豈文正一杯反樵蘇不禁乎迂談腐論  
恐為世譏唯先生有同志故敢布于左右至先大夫墓  
誌銘劉千里先生所撰近浙川七十老生作名宦祠記  
有數事乃先慈所未及言者竊欲丐先生作一傳未敢  
遽請容諏日泥首階下皇恐皇恐

宋淳熙間孫紹遠稽仲纂古今人題畫詩八卷為聲畫  
集因念六朝已來題畫詩絕罕見盛唐如李太白輩間  
一為之拙劣不工王季友一篇雖小有致不能佳也杜  
子美始初為畫松畫馬畫鷹畫山水諸大篇搜奇抉奧  
筆補造化嗣是蘇黃二公極妍盡態物無遁形虞伯生  
尤專工于此學古錄中歌行佳者皆題畫之作也入明  
劉槎軒李西崖沈石田輩以迨空同大復皆擬少陵如  
有好事廣而續之亦佳事也



西亭王孫睦樛所刻草書紀正統北狩事甚詳乃天順間劉某所述劉與袁彬哈銘同侍英宗行在者塞外無紙書之于草故名草書黃俞邵千頃堂藏書有之



居易錄卷二

欽定四庫全書

子部

居易錄卷三

四

詳校官侍讀<sub>臣</sub>陳崇本

員外郎<sub>臣</sub>牛稔文覆勘

總校官中書<sub>臣</sub>朱 鈐

校對官中書<sub>臣</sub>方大川

謄錄監生<sub>臣</sub>湯師錫

欽定四庫全書

居易錄卷三

刑部尚書王士禎撰

唐太宗賜房元齡黃銀帶曰世傳黃銀鬼神畏之唐本草注有黃銀本經不載俗云為器避惡朱翌云別自一種銀非金也予按漢虞淵上林簿有黃銀樹樹名取此未詳何義

長山縣南白雲山長白支麓也有趙道士者嘗靜坐一室數年後恒見一小人寸許自頂中出跳至地上久之

復入于頂令道士尚存子邑北關真武廟趙道士大名  
人字雲山道行精嚴衣食之外輒以賑貧人偶病僵卧  
無給使市人競奔走為之樵爨舍側有蔬圃預造生墻  
時偃仰其中有大蛇時來聽經趙輒食之以為常今  
道士八十尚無恙

陳給事說過喀魯三百里喀爾喀車臣部落界即南望  
北斗矣

福建巡撫張

仲舉

疏言宋儒朱熹祖籍江南徽州府之婺源

源其父松歷官閩土遂家焉熹長子塾之後世居建安  
次子埜之後至元中詔回祖籍故有徽閩二派閩派至  
九世孫挺景泰六年詔許世襲五經博士主祀徽派至  
十一世孫墅嘉靖二年亦以五經博士主婺源祖祀熹  
裔原有五經博士二員閩自挺後七傳至之雋廕襲則  
明天啟間事也續有朱濬呈稱係熹十八世嫡孫父金  
鉉早亡祖之雋順治九年請文赴部中途病卒濬時尚  
幼今籲請承襲伏惟

皇上重道崇儒徽派業蒙襲廕闕地紫陽書院亦荷

欽頒祠額伏祈

敕查舊典熹裔原有博士二員之例俾朱濬得叨承襲

下部議奉

旨以朱濬為世襲五經博士

宋神宗惑于荆舒厭棄正人熙寧元豐之際正國家否  
極之時然一隙之明未嘗不在王定國間見近錄載其  
末年諭執政曰延安郡王出閣當議宮僚司馬光端重

宜為宮官呂公著孫覺皆可作之文貽慶可作洗馬又  
一日召執政詣天章閣議官制除目至太常少卿曰可  
除范純仁至禮部郎中曰南宮舍人非他曹比可除劉  
摯至著作郎曰此非蘇軾不可觀此則神宗知人之哲  
何曾盡為煬竈所蔽哉若持之甚堅太平之治不俟元  
祐矣安石之罪可勝誅乎

詩我姑酌彼金罍疏一升曰爵爵盡也足也二升曰觶  
觶寡也三升曰觶觶適也四升曰角角觸也五升曰散

散訛也其實曰觴觴餉也觥大七升觥廓也

顏氏家訓云借人典籍皆當護惜先有殘缺就為補綴亦士大夫百行之一也此真厚德之言或謂還書一癡小人之言反是

二月十二日甲戌

上御經筵已刻出景運門至文華殿滿漢大學士九卿翰林詹事等衙門官及起居注科道等官立班階之東西



上至殿門下輦升

御座羣臣東西分班鴻臚引贊行二跪六叩頭禮畢仍  
分東西班趨入講官大學士兼掌翰林院事徐元文禮  
部尚書張玉書兵部尚書李天馥刑部尚書杜臻工部  
尚書兼詹事張英內閣學士兼禮部侍郎彭孫遹立班  
前行東向大學士伊桑阿阿蘭泰王熙梁清標吏部尚  
書張士甄戶部侍郎蔣宏道禮部侍郎顧汧刑部侍郎  
鄭重工部侍郎王承祖左副都御史李迥通政使黃斐

大理卿陳汝器少詹事兼侍講學士王士禎東西侍班  
日講起居注官少詹事兼侍講學士田喜霖立西班稍  
下東向給事中何楷次東班西向御史顧鐔次西班東  
向講官出班行一跪三叩頭禮畢大學士徐元文禮部  
侍郎兼翰林院學士庫勒納講論語志於道章禮部尚  
書張玉書刑部尚書圖納講尚書無逸篇畢各官仍分  
東西趨出至階下鴻臚引贊行二跪六叩頭禮仍分班  
立候

駕出回宮

賜宴太和門宴畢謝

恩而退

庚午二月望月食禮書張玉書等行救護禮自寅二刻  
迄辰二刻罷按明時月食百官角素于中軍都督府行  
禮今都督府廢移于太常寺百官則具朝服行禮

護月先一日宿都察院與僉都御史蕭山周先生

之麟石

公夜話及湘湖蓴菜周因言何孝子事云湘湖本宋楊

龜山所開其利甚溥後漸為豪強侵并明魏文靖公驥力圖復舊未竟其志以屬門人何御史瞻瞻以是為豪民所搆遣戍值御史鄒魯者謫令蕭山與何有隙逼之戍所途中謀殺之何之子兢避難山東王僉事家王何同年友也常夜扣兢門而兢寢不覺明日責之曰忘父仇而安寢非復仇者也兢泣拜之自是夜寐未嘗安枕一日聞鄒遷山西僉事辭王公曰可以行矣王餞之取骰子使卜曰得六紅仇當雪一擲果得六紅遂治裝遣

之競歸潛部勒親黨數十人俟鄒將渡江邀于路瞞其  
目折其四支鄒訴于官兢直前慷慨流涕自陳父冤請  
死當事為之動容僅擬流徒得免予謂兢之孝僉事之  
友皆有古人之誼因筆于書按林貞肅俊撰何文肅喬  
新神道碑云御史鄒魯謀躡大理丞公薦魏紳魯遂誣  
劾公魯尋謫外以罪論死天下快之

門人查

銅

堞德尹遺崧山碑刻五一啟母石闕漢篆一唐

文皇御製少林寺碑上方橫刻御札稱太尉尚書令陝

東道益州道行臺雍州牧左右武侯大將軍使持節涼

州總管上柱國秦王世民

二字  
草書

又上橫刻云已上七字

開元神武皇帝書蓋碑額也則天御製從駕少林寺詩

一首書一首司門郎中太子諮議王知敬正書一唐大

理評事崔琪靈運禪師功德碑一宋潞國文忠烈公先

塋石刻皇祐三年七月中書門下牒後列銜者三工部

侍郎參知政事劉戶部侍郎參知政事高禮部尚書平

章事文按綱目仁宗慶厯八年戊子正月以文彥博同

平章事皇祐元年己丑八月以高若訥參知政事三年  
辛卯三月以劉沆參知政事是年十月貶殿中侍御史  
裏行唐介為英州別駕文彥博免又五年至和二年乙  
未六月以文彥博富弼同平章事明年嘉祐元年丙申  
閏三月彥博薦介召還知諫院此牒允潞公奏請而潞  
公亦得列銜其後蓋宋制然也皇祐三年三月同平章  
事宋庠免故平章事惟潞公一人

高麗史鄭敘傳敘仕為內侍郎中有才藝為金存中鄭

誠誣構流于東萊將行王謂之曰今日之事迫于朝議  
行當召卿叙既流召命久不至乃撫琴作歌辭極悽惋  
叙自號瓜亭後人名其曲曰鄭瓜亭又琴儀傳儀字節  
之仕至中書門下侍郎平章事致仕以琴酒自娛翰林  
曲有琴學士

高麗史權守平者安東人嘗為隊正貧居郎中卜章漢  
以非罪見竄守平遽食其田有年及章漢遇赦還守平  
素不相識守平袖租簿就與之章漢曰當我竄謫君即



不食豈無他人君哀我還其田足矣何用租為守平曰  
乘人之危食其田猶恐不義今既還尚忍食耶遂投其  
簿章漢不受閉門而入守平竟以簿繫石擲之而去後  
官至樞密副使子韞翰林學士予服其行誼有中國士  
君子所不及者書之以風世云

高麗宰相李藏用字顯甫從其王入朝于元翰林學士  
王鶚邀宴于第歌人唱吳彥高人月圓春從天上來二  
曲藏用微吟其詞抗墜中音節鶚起執其手歎為東海

賢人

江西巡撫宋中丞

榮

牧仲寄豫章祠紀予復書云再接

良書承問動止頗用慰藉辱惠示豫章祠紀表章先軌  
砥礪末流所謂以經術緣飾吏治此其第一義也贊詞  
古雅亦復可傳稍有欲商者鍾公同萬公燦王公錫三  
君子忠義凜然至今與日月爭光不在劉公球之下似  
當補祀某公傳會張桂為清議所薄恐梓溪東廊諸公  
亦且羞與並列似當退黜隅見如此敢以質之高明

高麗太師門下侍中集賢殿大學士金富軾新羅人兄弟皆以文章功名顯致位卿相其命名曰富弼曰富軾曰富轍轍又以子由為字計其時當宋高宗朝慶厯元祐諸名賢已為海外所景慕如此富軾以文章名世通古今樂撰新羅高句驪百濟三國史嘗在書筵為其王言司馬溫公之賢卒謚文烈宋使路允迪徐兢著高麗圖經載富軾世家又圖其形以歸弟富轍官吏戶禮三部尚書翰林學士承旨王嘗問邊事上奏曰杜牧言時

事云上策莫如自治宋神宗與文彥博議邊事彥博曰  
須先自治不可畧近圖遠今我三韓之地豈惟七十里  
而已哉然而不免畏人者其咎在乎不先自治而已良  
騎野合交鋒接矢決勝于當時外國之所長而中國之  
所短也強弩乘城堅壁固守以待其衰此中國之所長  
而外國之所短也宜先務所長以觀其變此梁商之策  
甚合于今之形勢云云筆勢雄辯有秦晁之風富轍謚  
文懿

柳公權字正平高麗儒州人官同知樞密院事謚文簡  
史稱其好學工草隸書或亦慕誠懸之為人而襲其名  
耶

申淑高靈郡人官右諫議大夫知門下省事以直諫稱  
棄官歸鄉有詩云耕田消白日采藥過青春有水有山  
處無榮無辱身後以參知政事致仕

二月十四日予與工書兼詹事桐城張公英少詹兼侍

講學士馬邑田公

喜啟

奏東宮春季會講題目及講官職名講官

欽點張公及左春坊李諭德鑑四書擬進二題博學而篤志節誠者非自成己而已也節

欽定君子不重則不威章仰歎

豫教之切一命題亦不忘訓誡如此聞

上在宮中

親為東宮講授四書五經每日

御門之前必令將前一日所授書背誦覆講一遍務精

熟貫通乃已士大夫家不及也

濟南青城有無核棗小而甘移之他處即生核爾雅曰  
皙無實棗又曰休無實李東坡有求無實棗帖

二月望陪祭社稷壇趙少司馬王峯

士麟

楊常少敬菴

爾淑

述定興杜君異先生

越

鹿太常忠節公高弟也

鹿諱善繼

與

孫鍾元徵君

奇達

善家貧教授生徒以給饘粥粗糲衣褐

苟完而已即束脩亦不受孺人與同志紡織佐之與人  
處油然和易終身無疾言怒色而剛介絕俗有壁立萬

初之槩亂後居新安新安人化之風俗一變老稱婦孺  
親如父兄年八十餘飲啖不衰縣人高尚書問以養生  
之術曰無之但平生未嘗嗔怒或以此得老壽耳所著  
有紫峯集若干卷玉峯為刊行趙云至聖言過勿憚改  
若先生則無過可改楊云先生年八十五未嘗一日不  
樂予謂邵子居洛四十載安貧樂道生平未嘗攢眉先  
生殆庶幾矣

直隸巡撫于

成龍

疏言先賢閔子孝行著于聖門具體同



于顏子其六十二代嫡孫閔先達具呈請援元聖周公  
先賢仲由及宋儒後裔之例祈予世襲五經博士奉  
旨不准行按閔子宿州人州有騫山閔子祠裔孫奉祀  
今閔先達具呈直撫何耶

御史徐樹穀

上言自古設立史官原以修葺國史為重典

謨訓誥皆是當時史官之筆三代以降列國并有記載  
春秋即魯史舊文列于諸經此為編年之史漢司馬遷  
初為紀傳表志之體後世國史因之皆命儒臣纂修本

朝之史謂之正史如後漢班固受詔撰光武本紀及列傳二十八篇李尤受詔與謁者僕射劉珍等俱撰漢記晉徐廣受詔勒成晉記唐有修國史之官如劉知幾吳兢韋述柳芳等俱以直史館著名宋兩朝國史乃宰相王旦所修呂夷簡並以真宗朝為三朝國史又有仁英神哲四朝國史皆歷歷可考者也編年則凡起居注日歷聖政記皆集取當時議論政事及制誥章奏隨日撰錄以備信史而紀傳表志之正史亦併于此時纂修蓋

必用本朝之人修昭代之史事皆親睹言為可徵故歷代最重此選明世史官虛設初雖編有日歷後即旋廢至于正史并未議及萬厯中禮部尚書陳于陞始請編輯又復中止論者惜焉今

大清會典已經告成政治典訓平定三逆方畧將次葺完請于三書進呈之後倣古聖政記日歷體例自

皇上龍飛初歲按年編纂上自

詔諭及諸司章奏批答合之起居注所紀勒成鉅編一

事而具始末一言而備原委至于肇修正史自漢以來俱有成例洪惟

太祖高皇帝創業垂統

太宗文皇帝定亂安民

世祖章皇帝混一區夏深仁厚澤

三朝實錄謨烈具存與其待修于後時不若亟議于今日乞以時

頒諭開局次第汗青

列聖之豐功峻德懸日月而常明

皇上之孝思作求炳穹壤而無極得

旨下九卿翰林詹事科道會議允行

邊司徒華泉詩自閭秋雨聲不種芭蕉樹或議之謂芭蕉不得稱樹又或議王右丞畫雪中芭蕉宋朱翌云曲江冬大雪芭蕉自若紅蕉方作花知前輩畫之不苟彼身未到蜀粵故少所見多所怪耳花間詞云笑指芭蕉林裏住既可稱林顧不得稱樹耶

元翰林直學士謚文清宋裴燕石集至正八年聖旨下  
都省移江浙省于各路有錢糧學校內刊行中書省御  
史臺據御史段弼楊忠王思順蘇寧等奏請也此與石  
田集皆奉旨刊行元時崇文如此或謂九儒十丐當是  
天歷未行科舉以前時語耶文清詩溫潤清麗濟南數  
篇偶錄于此渡濟河初見近城諸山云華山高聳離山  
東一帶煙霏翠掃空安石從來多雅興却如新婦閉車  
中中秋與呂仲實清話憶李漑之內翰云大明湖上水

涵天月色偏宜李謫仙  
應笑吾曹煞風景  
碧梧牕下對燈眠  
兄本官國子祭酒  
謚正獻工于古文  
時號二宋

二月二十日主敬殿演禮  
過監察御史賽

圖

求其父故

內閣學士禮部侍郎鄂

貌圖

公墓銘公字麟閣

太宗時滿洲科目解元  
幼而貧常爇馬通讀書  
尤好為

詩滿洲文學之開實自  
公始壬戌御史官中書  
科中書

舍人以公遺集來求予  
作誌久未報也滿洲文  
字則初

于大學士榜式達

海

公特謚文成云

大學士宛平王公招同大學士真定梁公學士涓來兄  
遊怡園水石之妙有若天然華亭張然所造也然字  
宏澤陶菴其父號南垣以意初為假山以營邱北苑大癡黃  
鶴畫法為之峯壑湍瀨曲折平遠經營慘澹巧奪化工  
南垣死然繼之今瀛臺玉泉

暢春苑皆其所布置也唐楊惠之變畫而為塑此更變  
為山水平遠尤奇矣昔人謂俞清侍郎園峯大小凡百  
餘衆峯之間縈以曲澗旁引清流淙淙然下注石潭潭



中多文龜斑魚潭上巨竹壽藤蒼寒茂密不見天日未  
知視此何如耳

閩中近有集碎石嵌為扁聯巨書者鈎趯波磔神理皆  
具益都趙韞退美官福建按察使攜清音閣一扁歸置

園中予為青城韓燕翼庭副使誌墓其家以一聯為潤

筆乃人意淡如菊詩懷清似梅十字時

宸翰堂菊花初開遂置堂中觀者咸謂絕技聞朔者張  
姓云

羅明仲嘗語李賓之三言詩亦可視為一體以扇命作  
李援筆題云揚風帆出江樹家遙遙在何處其意致頗  
近古前明李西涯以樂府擅名其所作三五七言諸體  
靡不悉具以視賓之其高下為何如耶三言之作其體  
已久為作者所宜備詩談云三言起于散騎常侍夏侯  
湛

近見藥地禪師所著物理小識可補贊寧物類相感志  
所未及又見閩人林朝儀撰蟲異賦二卷彷彿吳淑事

類賦但一賦而櫟括鳥獸鱗介蟲豸之屬三百餘種其句法學禽經隸事亦博雅可喜

同年劉吏部公弼云七律較五律多二字耳其難什倍譬開硬弩祇到七分若到十分滿古今亦罕矣予最喜其語因思唐宋以來為此體者何啻千百人求其十分滿者唯杜甫李頎李商隱陸游及明之空同滄溟二李數家耳公弼詩頗有奇句如云直溪東天色湍激橡林左峭刻極似東野語

田詹學喜子湄言

上在暢春苑每引見諸臣常

御澹寧居止三楹不施丹雘亦無花卉之觀其西即

無逸殿東宮讀書處殿外種藝五穀之屬蓋欲子孫知稼穡之艱難意深遠矣

三月初一日

上傳問內閣大學士邵子問伊川雷起于何處伊川曰起于起處邵子愕然稱善何謂也大學士徐元文對邵

子言數程子言理予按伊川答晁以道書云頤與堯夫  
同里巷居三十餘年世間事無所不問惟未嘗一字及  
數即此知邵程之學異而同處

按堯峯顥退禪師亦有聞雷示衆一則

工部奉

旨修理闕里

聖廟議于康熙三十年四月十二日開工大成等殿五  
十四間大成等門六十一間圍房八十八間估計銀八  
萬六千零十八兩特發內帑銀兩採辦修理

上之崇儒重道如此

載酒園詩話丹陽賀

棠

著其持論有不可解處如范石

湖之視陸放翁何啻霄壤而賀則云至能有驂騑駉耳  
過都歷塊之能又云務觀才具無多意境不遠惟善寫  
眼前景物音節琅然可聽如山谷千古奇作于杜韓蘇  
之外自闢一宗故為江西初祖而賀謂其所得不如楊  
劉并疵其春網薦琴高之句豈曹瞞何以解憂惟有杜  
康之句亦未嘗寓目耶更捨其汪洋大篇而取其二三

律句此如乞兒輕議波斯賈胡足發一笑耳其論晁具  
著亦然大抵所取率晚唐窈巧之語以為雋異豈得輒  
衡量大家耶

三月初九日天章自天津來贈所刻寒山子詩詩家每  
稱其鸚鵡花間弄琵琶月下彈長歌三月響短舞萬人  
看謂有唐調其詩有工語有率語有莊語有諧語至云  
不煩鄭氏箋宣待毛公解又似儒生語大抵佛語菩薩  
語也天章詩情高逸當世無輩素耽二氏之書有出世

之志予曾序其蓮洋詩又常誦其句于故友葉文敏訥  
菴云泉遶漢祠外雪明秦樹根根濃雲濕西嶺春泥霑條  
桑至今堯峯上猶上堯時日凡數聯訥菴贊歎一日講  
筵罷先往訪之康熙己未以博學宏詞徵赴京師獨不  
掃門時相所居在中條山南永樂鎮即春秋魏畢萬所  
封古河中府河東縣也唐相李石李福李程兄弟及呂  
仙巖故里有玉溪即李商隱所居

三月初十日



上在暢春苑

命下

士禎

陞都察院左副都御史先是禮部侍郎缺陞

內閣學士王

澤宏

為禮部侍郎兼翰林院學士時予名列

第四至是應開列陞閣學諸員予名在第二吏部疏未

上也前此左副都御史許

禮三

遷兵部督捕侍郎吏部列

通政使黃

斐

大理寺卿陳

汝器

等名上留中久之不下及

命下乃以予陞補許缺

上用人之不測如此

予前議劉後村賀賈似道云云莆田門人林禮部

麟石

來自閩來談及莆前輩艾軒綱山竹溪樂軒

林光朝林亦之林希

逸陳藻

後村諸遺集石來因言後村居鄉不為鄉人所與

父老傳其後村舍側有一井汲其醫病輒愈後村塞之  
他事刻薄多此類益信士大夫居鄉必先品望則立朝  
定有可觀後村之媚秋壑有由然矣又云後村在城中  
與石來所居相距僅里許

門人吳

景

天章蔣

景

少查

嗣

德尹偶集邨舍談及門

人陳

奕禧

子文在京師時上陸

嘉淑

冰修詩云借問如何是

撥鐙冰修陳同里尊行也與子文皆以書法名見詩甚  
恚子文近自安邑丞遷知深澤縣有大吏頗自矜其書  
查言子文倘以書法見知定自水乳子笑云固然第不  
可獻詩問撥鐙法耳合坐大笑

幽州妙峯山龍泉寺有巨石一日有道人過之曰此中  
有寶使匠鑿之且囑曰命汝止乃止匠力倦不如所戒  
俄有二白鴿自石中飛去道人歎曰寶亡矣何用鑿為

昌平州柳林村夜有物似馬食人田禾羣伺之不可得  
乃相約攢弓矢射之馬被創逸去衆隨血跡尋之至周  
皇親墓一石馬身有血痕始知食禾者乃石馬耳

銀山有延聖寺甲申閏寇掠昌平遊騎至山下見一美  
婦人獨行追之不及射之徑行入寺寺門扃未啟也寇  
訝之啟門而入聞無人跡而箭在佛像之背堅不可拔  
寇相顧愕然羅拜而去

昌平人有遊吳郡者遇老翁以一函書授之曰煩歸至

清涼洞投之洞門外有石鼓擊之當有人相引入比歸  
往尋果見石鼓如言擊之有聲童子出導客入洞有老  
叟長髯而癯肅客坐語留為設食則白石也謝不能又  
命童子別取菽一升付之曰勞三千里寄書聊此為謝  
歸視之皆黃金也再至訪之石鼓已不見惟峭壁千尋  
而已

積小塘京師人家昌平山中少遇異人受術能冬月致  
菡萏花嘗召客飲不治具客至取之壁間水陸畢備有

他客叩門輒復納諸壁室空無所有又嘗取甕盃碎之  
推入壁曰為我治之聞壁中謾謾有聲須臾取出盃已  
如故總兵麻承恩召之謂曰若能盜吾頭上巾否曰易  
耳麻坐甲士于庭晝夜伺之明日巾已失去麻怒下之  
獄小塘畫一舟于壁躍而登之遂不見後有人過于醫  
無閭山

燕山樵兒澗有熊道人者能辟穀嘗旬日不食食即以  
其餘飼虎虎時時馴擾卧階下或問其術道人曰人忘

機于物物亦忘其機何術之有此與列子海鷗之說可  
相發明

天壽山長陵有東井西井明太宗殉葬妃嬪十六人葬  
處也每夜深守陵者嘗見紅紗燈籠自二井穿松楸來  
至陵門而入崇禎末燈不復見

居易錄卷三